

সারাদেশ

আশুগঞ্জে ১ লাখ ৪৪ হাজার বিদেশি সিগারেটসহ তিন চোরাকারবারি গ্রেপ্তার

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: রোববার, ০৯ আগস্ট ২০২৬, ০৮:১৭ PM



ব্রাহ্মণবাড়িয়ার আশুগঞ্জে বিপুল পরিমাণ বিদেশি সিগারেট ও একটি সিএনজিচালিত অটোরিকশাসহ তিন চোরাকারবারিকে গ্রেপ্তার করেছে পুলিশ।

পুলিশ জানায়, শনিবার বিকেল ৫টা ৫০ মিনিটে গোপন সংবাদের ভিত্তিতে উপজেলার দুর্গাপুর ইউনিয়নের সোহাগপুর এলাকায় অভিযান চালায় আশুগঞ্জ থানার একটি বিশেষ দল।

এ সময় একটি সিএনজিচালিত অটোরিকশা থামিয়ে তল্লাশি চালানো হয়। পরে সেখান থেকে শুষ্ক ফাঁকি দিয়ে অবৈধভাবে আনা ১ লাখ ৪৪ হাজার শলাকা বিদেশি প্যাট্রন সিগারেট উদ্ধার করা হয়। এ ঘটনায় তিনজনকে গ্রেপ্তার করা হয়েছে।

গ্রেপ্তার ব্যক্তির হাট্টন নরসিংদীর শিবপুরের বংশীদিয়া এলাকার হাবিব মিয়ার ছেলে হিমেল মিয়া, পলাশের ফুলবাড়িয়া এলাকার মৃত জাকির হোসেন গাজীর ছেলে রাইসুল এবং ব্রাহ্মণবাড়িয়ার নাসিরনগরের মৃত আলফু মিয়ার ছেলে আব্দুল আওয়াল।

জেলা পুলিশ এক সংবাদ বিজ্ঞপ্তিতে জানায়, এ ঘটনায় আশুগঞ্জ থানায় নিয়মিত মামলা করা হয়েছে।

পুলিশ বলছে, শুল্ক ফাঁকি দিয়ে অবৈধভাবে আনা বিদেশি সিগারেটের চোরাচালান বন্ধে তাদের অভিযান অব্যাহত থাকবে।

এ বিভাগের আরও খবর



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটের অভিযোগ
নওগাঁর মান্দায় ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মান্দায় মসজিদের ভেতরে ঢুকে মামুদুর রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) জো...



শোক দিবসে খিচুড়ি রান্নার সময় ইউপি চেয়ারম্যানসহ ২ জন গ্রেপ্তার
কুষ্টিয়ার ভেড়ামারায় শোক দিবস উপলক্ষে খিচুড়ি রান্নার সময় ইউনিয়ন পরিষদের (ইউপি) চেয়ারম্যানসহ দুই ভাইকে গ্রেপ্তার করেছেন পুলিশ।শনিবার (১৫...



ক্যাশলেস সোসাইটি বিনির্মাণে ব্রাহ্মণবাড়িয়ায় রূপালী ব্যাংকের রোড শো
ক্যাশলেস সোসাইটি বিনির্মাণে জনসচেতনতা তৈরির লক্ষ্যে ব্রাহ্মণবাড়িয়ায় রূপালী ব্যাংকের উদ্যোগে সচেতনতামূলক রোড শো
অনুষ্ঠিত হয়েছে। শনিবার (১৫ আগস্ট)....

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/saradesh/ashugnje-1-lakh-44-hajar-bideshi-sigaretsh-tin-chorakarbari-greptar>